

Cù lu stessu destinu

*Da sopra la to lotta fratellu, c'hè natu u fiore di a verità
Nantu a strada di u sudore, di u mio cantu l'annacqueraghju
Spera quant'è tù poi fratellu.*

Fratelli chì mi senti, a bughju in la to stanza
Dopu à lu primu piantu pensa à la fratellenza
Acella messagera chì nasce in la to terra.

Fratellu lu t'amore, duv'ellu t'hà mandatu
Mughja lu to dolore, quessu hè lu to peccatu
Spere quant'è tù poi, si movenu li toi.

Libertà, anderà, libertà

Longu hè lu to caminu, spesso ci face notte
Cù lu stessu destinu sò meie le to lotte
Sì Corsu è oramai sò mei li to guai.

In paese fratellu, sò mosse le cuscenze
Ghjustizia pè mantellu sò corse e to speranze
Trà u bè, è trà u male, cù a luce piglia ale.

Libertà, anderà, libertà

Quelli di li to guai, dicenu malfattore
U lume chè tù dai, nuce à lu so culore
Più sparghji la to perra, più strinta hè la catena.

Fratellu pare strana, a vita di l'umanu
Sì tù incarceratu ma spunta per dumane
Un raju di verità, chì in l'isula si spanna

Libertà, anderà, libertà

I Muvrini / GF Bernardini